

赤氣光明異常四十四年六月甲戌黃赤雲  
周天光明如晝四十五年十二月甲午東有  
黃赤氣衝天 元宗十四年正月乙卯東方  
有黃紫氣中有直豎衝天者如塔 恭愍王  
十年六月癸卯開城大井黃沸十四年三月  
庚午黃霧四塞十五年十月甲子夜黃霧十  
二月乙丑黃霧四塞十七年八月丁亥黃霧  
九月丙辰黃霧四塞庚申亦如之 辛禡十  
一年三月戊寅漣州澄波渡黃濁三日